



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1431. usque ad annum 1441

Fleury, Claude

August. Vind. [u.a.], 1768

VD18 90118316

§. 9. Sessio VII.

[urn:nbn:de:hbz:466:1-66426](https://nbn-resolving.org/urn:nbn:de:hbz:466:1-66426)

convenientes Sessionem sextam habuerunt, atque eandem S. Basilii auctoritatem denuo ad examen vocarunt. Ibi Joannes Marcum adversarium suum tanto argumentorum pondere in arctum coegit, ut illum prorsus elinguem reddiderit. Marco Ephesino obmutescente Imperator verba fecit dicens: *De re proposita necesse est dubitare; hoc autem forsitan opportuno tempore agitabitur.* Nec tamen disputationi finem imponebant, sed Joannes ex libris S. Basilii contra Eunomium, aliisque pluribus locis ex eodem S. Patre doctrinam fidei asserere, animo invicto perrexit.

§. IX.

Sessio septima Florentini Concilii.

Idem quoque disceptationis argumentum totam tenuit sessionem septimam feria tertia die decima septima mensis Martii celebratam. Græci desperatæ suæ causæ remedium quaquaversus quærebant, tandem in quadam S. Maximi Epistola opem sese invenisse arbitrabantur. Hanc ad calcem hujus Sessionis in actis Græcis relatum reperire est, in qua Sanctus ille affirmat, Latinos, dum Spiritum sanctum etiam ex Filio procedere docent, nequaquam asserere, *Filium esse causam Spiritus, unam quippe norunt causam Filii ac Spiriti-*

sæcul. XV.

A. C. 1439

*Ibid. p. 323.**Ibid. p. 347.*

Spiri-

Sæcul. XV.

A. C. 1439.

Spiritus Patrem, illius quidem secundum generationem, hujus autem secundum processionem, sed significare, quod per ipsum etiam procedat, eaque ratione ostendere ejusdem sententiæ nulla cum varietate communionem. Ipse Imperator hanc effugiendi rationem detexit; cum enim probe intellexisset, disputationum æstu unionis negotium ad se non peractum iri, ut potius majora inter diffidia enascerentur, opportunum concordiae medium reperisse existimavit. Si omnibus notum faceret, ipso met Latinos fateri, quod Pater unica, & sola esset causa Filii, & Spiritus sancti. Quam imo omnes omnino Græci, solo excepto Marco Ephesino, & Heracleensi Archiepiscopo, uno ore exclamabant: *Si Latini recipiunt hanc Epistolam sancti Maximi ejusque sententiam, cum ipsis conjungamur, nihil aliud requirentes.* Imperator eadem hac Sessione ad Patres Synodi sermonem habens, subjunxit, cum totius Latinorum doctrina ideo reprobata Græcis videretur, quod hi duo principes a quibus Spiritus sanctus procederet, abstruxissent, jam non sine injuria ac pertinaciæ nota ulterius impugnari poterat illi, qui doctrinam omnino oppositam aperte profitentur. Quare de communi totius Synodi assensu præcepit Imperator, ut pro plena dogmatis discussione absque contentione, aut disputationum strepitu omnes

omnes quiete ea perciperent, quæ Joannes FF. Prædicatorum Provincialis responderet, atque sibi a Græcis objecta dilueret, nova, si quæ contra eos occurrerent, argumenta proponeret, ac doctrinæ suæ veritatem comprobata redderet, quibus omnibus utrinque perceptis, collatisque consiliis juxta plurimorum sententiam ultimato decisis fieret. Porro ad præcavenda cuncta optatæ unionis obstacula Imperator Marcum Ephesinum, & Archiepiscopum Heracleensem hisce congressibus interesse prohibuit, quorum primus jam aliunde in nuperis cum Joanne, & Cardinale Juliano habitis disputationibus adeo acerbe exceptus erat, ut ipsi lingua simul & aqua hæeret, totoque vultu rubore perfuso, neque quod ageret, neque quod responderet, tunc promptum haberet, imo nequidem comparere ausus juxta nonnullos Historicos, insanire crederetur. Cum enim aliquando ad eum venissent, qui illum ad absolvendam, quam cæperat, disputationem invitarent, invenerunt eum in lecto suo jacentem, & vocibus inconditis stridentem atque dicentem: *Non possum venire; hac enim nocte venerunt Cardinales sublato domicilii tecto, & membra mea virgis igneis ceciderunt*, illisque relictas in corpore suo plagas se ostendisse putabat, quamvis ne minimum quidem verberum vestigium appareret.

§. X.

Sæcul. XV.
A. C. 1439.

Joseph. Methon. ad libell. Marci Ephes. to. 13. Conc. p. 678.